



ТОШКЕНТ ТОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 11 (9.814)

2003 ЙИЛ 16 ЯНВАРЬ

ПОЙТАХТНИНГ Бир кўни

Янгиликлар, воқеалар

ҚИСКА сатрларда

□ **ИҚТИДОРЛИ, билимдон** ва илмга чанқоқ ёшлар — келажак раънақининг гарови.
Кеча Тошкент Молия институтида бўлиб ўтган давра суҳбати институт ректорати томонидан «Камолот» ёшлар ижтимоий ҳаракатининг Юнусобод туман бўлими ва туман ҳокимлиги билан ҳамкорликда ташкил қилинди.

□ **Кеча** Ўзбекистон Бадий академиясининг Марказий кўргазмалар залида «Сейсмограф» кўргазмасини ўтказиш бўйича матбуот анжумани бўлиб ўтди. 31 январдан 21 февралгача давом этадиган ушбу кўргазма Швейцариянинг Ўзбекистондаги элчихонаси қошидаги ҳамкорлик бўйича Швейцария бюроси лойиҳаси асосида ташкил қилинмоқда. Кўргазмада Ўзбекистон Бадий академияси, Ўзбекистон Миллий банки галереяси ҳамда рассомларнинг хусусий тўпламларидан ҳайкалтарошлик, графика ва рангтасвир асарлари намойиш этилади.

□ **Бугун** Тошкент шаҳар ҳокимлигида ижтимоий, жамоат ва диний ташкилотлар билан алоқалар мажмуаларининг 2002 йил якунларига бағишланган йиғилиши бўлиб ўтади. Шунингдек, **Бугун** қурилиш мажмуасининг ҳам ўтган давр ичидан амалга оширилган ишлари натижалари муҳокама қилинади.

□ **Бугун** Бегойим мактаб-гача таълим муассасидада шаҳар Халқ таълими бош бошқармаси томонидан қабул қилинган «2003 йил боласи» дастури асосида шаҳар семинари ўтказилади.

□ **ЎЗБЕКИСТОН** Республикаси Миллий реабилитация марказига АҚШдан ногиронлар аравачалари, эшитиш мосламалари келтирилди.

□ **РЕСПУБЛИКА** киночилар уйида Тошкент киноҳаваскорлар клуби ташаббуси билан иш бошлаган «Сириус» болалар студияси ижодкорлари тайёрлаган «Биллур туфлича рақси» фильмининг тақдими бўлиб ўтди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

Курувчилик шарафли ва эъзозли, шу билан бирга сермашаққат касб. Улар бунёд этган иншоотлар кўзларни қувнатиб, юртимизга фойз бағишламоқда, халқимиз фаровонлиги йўлида хизмат қилмоқда. Ўз касбидан ғурурланиб, пойтахтимиз чиройини янада очиш мақсадида ғайрат-шижоат билан меҳнат қилаётганлар орасида пойтахтимиздаги «12-трест» ҳиссдорлик жамиятининг 2-механизациялашган кўчма колоннаси бунёдкорлари ҳам бор.

Шарафли ва эъзозли касб

Янги йилни ўзгача куч-ғайрат билан бошлаган жамоа курувчилари шахримиздаги кўлаб қурилиш майдонларида меҳнат қилишмоқда. Улардан бир гуруҳи эса

«Дўстлик» меҳмонхонасини таъмирлаш юмушлари билан банд. Улар бу ерда зиммаларидаги масъулиятни ҳис этган ҳолда сидқидилдан саъй-ҳаракат қилишмоқда. Бу борада ўз касбининг усталари илғор бунёдкорларга ёш

курувчилар ҳам яқиндан ёрдам беришмоқда, касб сирларини пухта эгаллашмоқда.

СУРАТДА: ёш ва ғайратли пайвандчи Шомуҳиддин Шоисломов. Сергей Любич олган сурат.

МДХ ИЖРОИЯ ҚЎМИТАСИ ДЕЛЕГАЦИЯСИ ТОШКЕНТДА

Мамлакатимизга ташриф буюрган Мустақил Давлатлар Ҳамдўстлиги Ижроия қўмитаси раиси Юрий Яров бошчилигидаги делегация аъзолари 15 январь кuni Ўзбекистон Республикаси Бош вазири Ўткир Султонов билан учрашди. Суҳбат чоғида МДХ мамлакатлари ўртасидаги ҳамкорликни янада ривожлантириш, истиқболда амалга оширилиши режалаштирилган тадбирлар хусусида фикр алмашилди.

Шу кuni делегация вакиллари Ўзбекистон Ташқи ишлар вазирлигида ҳам бўлди. Мамлакатимиз ташқи сиёсат маҳкамаси раҳбари Абдулазиз Комилов билан бўлган суҳбат чоғида МДХ мамлакатларининг иқтисодиёт, савдо-сотиқ, маданият, таълим соҳаларидаги ҳамкорлигини ривожлантириш, икки ва кўп томонла-

ма алоқалар кўламини янада кенгайтиришга қаратилган масалалар муҳокама қилинди. Шунингдек, томонлар МДХ доирасида уюшган жиноятчилик, наркотиклар контрабандаси, халқаро террорчилик, диний экстремизм ва бошқа иллатларга қарши ҳамкорликдаги курашни янада жадаллаштириш борасидаги фикрлари билан ўртоқлашди. (ЎЗА)

XXI сағоси

Барча макбалардан олжиган сўғити хабарлар

Мамлакатимизда

• Марказий банкда банк тизимининг бугунги кундаги долзарб муаммоларига бағишланган амалий семинар бўлиб ўтди. Унда Марказий банк ва тижорат банклари раҳбарлари ҳамда мутахассислар иштирок этди.

• Ўзбекистон Ёзувчилар уюшмасининг Қашқадарё вилоят бўлими, вилоят хотин-қизлар кўмитаси, «Маҳалла», «Наврўз» жамғармаларининг вилоят бўлимлари ташаббуси билан Қашқадарёда «Обод маҳалла — овоз Ватан таянчи» мавзусида энг яхши асарлар кўрик-танлови ўтказилади.

• Конимех туманидаги «Маданият» ширкат хўжалиги маркази «Балакалак» кўрғонига 450 уринли касб-хунар коллежи фойдаланишга топширилди. Деярли 1 миллиард сўмлик маблағ ҳисобига бунёд этилган замонавий коллежда қишлоқ хўжалиги ва қорақўлчилик соҳаси мутахассислари тайёрланади.

• Наманганда «Ёшлар мажмуаси»нинг қурилиши кенг кўламда давом этмоқда. Республика Болалар спортини ривожлантириш жамғармаси маҳаллий бўлими тасарруфидида фаолият бошлайдиган мазкур мажмуадан сунъий кўл, сув боғи, шунингдек ёзги ва қишки спорт майдончалари ўрин олади.

• ХЕАТБ «Парвина-банк»нинг Тошкент шаҳар бўлими томонидан янги мини банк очилди. Тошкент Молия институти қошида ўз фаолиятини бошлаган минибанкнинг асосий мақсади ўқув маскани билан боғлиқ барча молиявий операцияларни амалга оширишда қулайликлар яратишдир.

• Бобур номидаги Андижон вилоят муסיқали драма театрида «Ой тутилган кечалар» янги спектакlining премьераси бўлиб ўтди.

• **Кеча** Тошкентнинг «Пахтакор» жамоаси МДХ чемпиони Кубоғида қатнашиш учун кучли таркибда Москвага жўнаб кетди. «Пахтакор» гуруҳ бахсларида «Шахтёр» (Украина), «Каунас» (Литва) ва Озарбайжон ёшлар терма жамоаси билан беллашади.



Жаҳонда

• Чехия Конституциясига мувофиқ ушбу мамлакатда февраль ойда Президент сайловлари бўлиб ўтади.

• Европада ноқонуний муҳожирларга қарши курашиш мақсадида янги Eurodas дастури жорий этилади. Унга кўра сиёсий бошлана сўровчиларнинг барчасининг бармоқ излари олинмиши кўзда тутилган.

• Италияда кейинги пайтда Америка қалбаки долларларининг энг катта туркуми фoш этилди. Италия ички ишлар вазирлигининг маълумотиغا кўра 100 долларлик банкнотларнинг умумий қиймати миллион доллардан ортқ туркуми қарабичилар томонидан Рим шаҳри яқинида ушлаб қолинди.

• Манчестрда ўтказилган махсус антитеррор тадбири пайтида бир полициячи ҳалок бўлиб, 4 нафари жароҳатланди.

Иқтисодиёт

Сифатли ва арзон

Пойтахтимиздаги «OFSET PRINT» масъулияти чекланган жамиятида нашр ва босма ишлари амалга оширилиб, турли хил матбаа маҳсулотлари ишлаб чиқарилади. Шуниси эътиборлики, ушбу корхонада ишлаб чиқарилаётган фан ва ўқув дафтарлари хорижникидан асло қолишмайди. Улар сифати ва ташқи кўриниши билан ҳам рақобатбардош бўлиб, нархи анча арзон.

— Хориждан келтирилган сифатли хом ашё ҳисобига маҳсулотлар тайёрлаймиз, — дейди корхона раҳбари Тўлқин Нурмухамедов. — Цехларимиз янги дастгоҳлар билан жиҳозланмаган бўлса-да, бугунги талабимизга жавоб беради. Асосий мақсадимиз халқимизга маънавият улаштириш, уларни бадиий адабиётлар, илмий нашрлар билан таъминлаш баробарида, ўғил-қизларимиз дидига мос ўқув дафтарлари ишлаб чиқаришдир. Шунингдек, «Узинг бўя», «Ўқи, ёдла, ёз» деган лотин алифбосидаги ҳам ўқиш, ҳам бўйш учун тайёрлаган китоб-чагаримиз болажонларимизга маъқул келиши билан бирга уларнинг билим савияларини оширишда муҳим ўрин тутди.

Корхона тadbirkorлари жорий йилда ишлаб чиқаришни янада кенгайтириш мақсадида янги чег очилди, уни замонавий матбаа дастгоҳлари билан жиҳозлаш ниятида. Шунингдек, ўзлари таъсисчи бўлган «Минг раста» масъулияти чекланган жамиятини ташкил этиб, бу ердаги савдо шохобчаларида маҳсулотларини харидорларга сотиш ниятида. Энг муҳими эса, бугунги кунда корхона маҳсулотларининг харидорлари сафи ортиб бормоқда.


Янги турдаги маҳсулот

«LAZ O'GLU» ўзбек-турк кўшма корхонасида нафақат ширинлик сифатида тановул қилинадиган, балки инсон саломатлигига ҳам фойда келтирувчи ширин хольваларининг 4 хил турли ишлаб чиқарилмоқда. Юз фоиз маҳаллий хом ашёдан замонавий дастгоҳлар ёрдамида ишлаб чиқарилаётган ушбу хольва маҳсулотлари ўтган йилнинг охиридагина бошлаб харидорбop қилиб қадоқланмоқда.

— Хамкорларимиз Туркия давлатидан қадоқлаш ашёларини келтириб, маҳсулотларимизни 350, 400 граммлик пластмасса идишлар ва аллюрок кутиларда қадоқлаялмиз, — дейди корхона директори Жасур Кўзиев. — Асосий эътиборини эса республикамиз вилоятларида етиштирилган кунжут хом ашёсидан рақобатбардош маҳсулот ишлаб чиқариш, ички бозорда ўз ўрнини эга бўлиш ва келгусида хорижга экспортни йўлга қўйишга қаратганмиз.

Шунингдек, тadbirkorлар келгусида писта хом ашёсидан янги турдаги хольва ишлаб чиқаришни кўзда тутишган.

Шарофат БАХРОМОВА



Тошкент метрополитенининг «Юнусобод» йўналишида кунига минглаб ҳам-шаҳарларимизнинг узоғи яқин бўлмоқда, манзилларига ўз вақтида етказилмоқда. Ушбу йўналишнинг ишга тушиши тошкентликлар ва пойтахтимиз меҳмонлари учун катта қулайлик бўлди.

СУРАТДА: йўналишнинг Юнус Ражабий ва «Бодомзор» бекатларида.

Тоҳир Нигматуллин олган суратлар.

• ИНТИЛГАНГА ТОЛЕ ЁР

Маълумки, халқимиз бунёдкор. Шу боисдан мустақиллик йилларида замонавий ва шарқона иншоотлар, шинам турар жой бинолари, маданий муассасалару лицей ва коллежлар қурилиши янада авж олди. Уларни бунёд этишда четдан келтирилган қурилиш материаллари билан бирга ўзимизнинг маҳаллий хом ашёдан, тadbirkorлик билан ишлаб чиқарилаётган маҳсулотлардан ҳам унумли фойдаланилаётганлиги қувонарлидир. Ана шундай рақиб ва зарур, бежирим ва сифатли, мустаҳкам ва чидамли бунёдкорлик ашёларининг хусусий тadbirkorлар томонидан тайёрланаётганлиги, улардан эса биноларни тиклашда муваффақият билан фойдаланилаётгани ҳар биримизни гурулантириши табиий. Фарҳод Мадаминов тadbirkorлик билан шугулланишга аҳд қилганида ўз олдига қурилишда ишлатилаётган шпаклёвка ва сайқал бўёқлари ишлаб чиқаришни мақсад қилиб қўйди. Албатта, биноларнинг кўркамлиги, чиройида

Хорижникидан қолишмайди

Мамлакатимизда хусусий соҳа ривожланишига катта аҳамият қаратилаётгани боис ҳам бугунги кунда тadbirkorларнинг сай-ҳаракатлари билан улар ишлаб чиқараётган маҳсулотларнинг сифати ортиб, турлари кўпайиб бормоқда. Тadbirkorларимиз бозор талабини тўғри англаган ҳолда рақобатбардош, хорижникидан асло қолишмайдиган маҳсулотлар тайёрлашга интилиб, харидорлар эътиборини жалб этишмоқда.

мана шу ашёларнинг ўрни каттадир.

Қурилишда бир неча йил оддий сувочки бўлиб ишлаган Фарҳод бунёдкорлик сир-асорларини, унга қандай материаллар асқотишини жуда яхши биларди. Ана шу асосда бундан 4 йил аввал хусусий тadbirkorлик учун патент олиб ишлаб бошлади. Тўғри, тadbirkorнинг биринчи уринишлари зое кетди, анчагина зарар ҳам кўрди. Лекин ўз мақсади йўлида астойдил интилган Фарҳод асло чекинмади. Унга бу борада техника олий ўқув юртида тахсил олгани, қолаверса Афғонистонда хизмат бурчини ўтагани кўл келди, десак янглишмаймиз. Шпаклёвка тайёрлаш Фарҳоднинг тadbirkorлигидаги биринчи қадами бўлса, у кейинчалик ички пардозлаш ишларини амалга ошириш учун сайқал бўёқлари

ишлаб чиқаришни ҳам муваффақиятли ўзлаштирди. Албатта, бунинг учун ҳаракат қилди, жуда кўп изланди, натижада мақсадига эришди.

Сайқал берувчи бўёқлар ишлаб чиқариш жуда мураккаб жараён бўлганлиги боис ҳам Фарҳод бу борада 3 йил тажриба ўтказди. У ўз олдида хорижда тайёрланадиган ана шундай маҳсулотдан нусха олишни эмас, балки ундан ҳам яхшироғини ишлаб чиқариш мақсадини қўйди. Ва бунга муваффақият билан эришди ҳам. Бу борада у тажрибали кимёгар, «Олиана Рум» фирмаси таъсисчиси Ирина Бадальяндан керакли маслаҳатлар олди. Бугунги кунда эса хусусий тadbirkor ишлаб чиқараётган рақобатбардош маҳсулотдан республикамиздаги кўплаб қурилиш ташкилотлари муваффақият

билан фойдаланмоқда. Пойтахтимиздаги ўнлаб биноларни пардозлашда ҳам Фарҳод Мадаминов яратган ташкил безак бўёқлари қўл келмоқда. Бунёдкорлар ушбу маҳсулотнинг хорижники билан бемалол рақобатлаша олишини тан олишмоқда.

Ха, халқимизда «Интилганга толе ёр» деган аjoyиб нақл бор. Фарҳод Мадаминов нафақат интиди, балки мақсади йўлида астойдил ишга киришди. Шу боис ҳам ўз толеини ўзи яратиб, харидорлар, буюртмачилар эътиборини тортиди. Энг қувонарлиси, Фарҳод ишлаб чиқараётган маҳаллий хом ашёдан тайёрланаётган қурилиш материаллари бозор талаблари даражасида бўлиб, юртимиз чиройини очаётган иншоотлар қурилишида кенг қўлланилмоқда.

Дилноза ГИЁСОВА

• МАИШИЙ ХИЗМАТ

Олам яралибдики инсон ҳамиша гўзалликка интилиб яшайди. Пойтахтимиздаги «Дилором» очик ҳиссадорлик жамияти қошидаги «Ўзбекистон» маиший хизмат қўратиш уйининг гўзаллик салони раҳбари Фарҳод Шомуродов билан бўлган суҳбатимиз ана шу мавзуда бўлиб ўтди.

— Инсон нафақат ички, балки ташқи гўзалликка ҳам эга бўлиши лозим, — дейди халқроқ тоифадаги уста ва ҳакам. — Ўзининг кўп йиллик тарихи, тажрибасига эга ўзбек сартарошчилиги бугун янги-янги услублар ва бетакрор кўркамликлар билан бойимокда. Ана шундай тажрибага эга бизнес сартарош-усталаримиз Европа ва Осиёда бўлиб ўтаётган кўплаб халқроқ танловларда ғолибликни қўлга киритмоқдалар. Салонимизда шундай билимдон «қўли гул» ходимлардан 10 нафар эркак, 10 нафар аёл, 2 нафар маникюрчи, 2 нафар косметологлар хизмат қилади. Улар аёллар учун «Тонг юлдузи», «Хилолохон», эркаклар учун эса «Ишбилармон», «Элчи» каби чиройли соч турмаклаш турларини яратганлар. Бундан ташқари Германиянинг «WELLA», «LONDA» фирмалари билан алоқада бўлиб, улар томонидан уюштирилиб борилаётган бир қатор тadbirkorларда иштирок этиб, яқиндан тажриба алмашиб тураимиз. Бугун салонимиз ходимлари ишлатадиган атир, упалар, кремлар, турли хил маскалар кимёвий моддалардан холи ҳолда тайёрланади. Буни сартарошхонамизнинг пойтахтимиздаги бошқа

шундай маиший хизмат нуқталаридан фарқли томони десак адашмаймиз. Усталаримиз ўз ишларига меҳр билан ёндашадилар. Хар бир соч турмаклари устида ижод қиладилар. Тўғриси айтсам, мамлакатимизда гўзаллик, нафосат олийгоҳлари очилса эди, деган ниятдаман. Мақсад одамларни эстетик руҳда тарбиялабгина қолмай, балки истовчилар бу ерда кўплаб хизмат турларини, яъни кийиниш, соч турмаклаш, макияж, косметика, бадантарбия билан тўғри шугулланиш, қоматини тўғрилаш, мимика, нутқ санъатлари ҳақида ўзларига керакли маслаҳатлар олишлари мумкин. Бугун жамиятимиз ривожланмоқда, юртдошларимиз онгиде, дунёқарашларида тўб ўзгаришлар бўлаётган бир вақтда олийгоҳда хизмат қилувчи мутахассислар одамларни чиройли ва тўғри гапиришга, ўзини ораста ва соғлом тутишга яна кўплаб масалаларни ҳал этишга ўргатади. Бу орзуим тор маънодаги истак эмас, аксинча инсонпарвар, демократик жамият яратувчиларини эстетик камол топтиришда сезиларли хисса бўлиб қўшилади, деб ўйлайман.

Шахло ҲОШИМОВА ёзиб олди.

• САХОВАТ

Шайхонтоҳур тумани ҳокимлиги ташаббускорлигида туман хотин-қизлар қўмитаси ҳамкорлигида ногирон болаларга атаб дастурхон ёзилди.

Кўнгиллар чоғ бўлди

Тadbirkor давомида туман хотин-қизлар қўмитаси, Қизил Ярим Ой жамияти туман бўлими, «Соғлом авлод» жамғармаси туман бўлими ҳамда туман «КРИДИ» клуби вакиллари болажонларни совғалар билан табриқладилар.

Шунингдек, кечада иштирок этган тумандаги маданият уйлари ходимлари томонидан ижро этилган куй-қўшиқлар йиғилганлар кайфиятини чоғ қилди.

(Ўз муҳбириимиз)

Маълим

Болалар
камолоти
йўлида

Акмал Икромов туманидаги 19-болалар боғчасида илмий-амалий анжуман бўлиб ўтди. Унда Тошкент шаҳар Халқ таълими бош бошқармаси ходимлари, барча туманларнинг халқ таълим муассасалари раҳбарлари иштирок этдилар.

Таълим муассасаларида узлуксиз услубий хизмат кўрсатишни таъминлаштириш бўйича таъхлотчилик фаолияти юзасидан фикр алмашишлар кенгашининг асосий мавзуси бўлди. Йиғилишда «Учинчи минг йилликнинг боласи» таянч дастури ва давлат талабларининг бажарилиши бўйича Акмал Икромов туман халқ таълими услубчиси Шахзода Шукурова «Болаларнинг маънавий жиҳатдан баркамол бўлишида, маънавий-маърифий етуқликни ташкил этиш борасидаги амалий ишлар, режалар, муаммолар ҳусусида гапирди. Услубчи Дилфуза Умарова болалар боғчасида «Миллий истиқлол ғояси: асосий тушунча ва тамойиллари» фани ва уни ўрганишнинг аҳамияти ҳусусидаги изланишлар ҳақида сўзлади.

Куннинг иккинчи ярмида умумий ўрта таълим мактабларининг фанлар бўйича методика бирлашмалари фаолияти ҳақида суҳбатлар, фикр алмашишлар бўлиб ўтди. Сўнг 19-болалар боғчаси тарбияланувчилари ва 107, 311-мактаб ўқувчилари ўзлари тайёрлаган саҳна кўринишлари, жозибador куй-қўшиқлари билан йиғилганлар қалби-га бир олам қувонч бахш этдилар.

Гулчехра ДУРДИЕВА

Аждодлар
ёди

Миллий ўзликни англаш, қадриятлар ва ўтмиш аждодларимиз сиймоларини абадийлаштириш мақсадида «Камолот» ёшлар ижтимоий ҳаракати Юнусбод туман бўлими кенгаши ташаббуси билан мактаб ўқувчилари ўртасида ўқув семинари бўлиб ўтди.

Туманининг 96-мактаб ўқувчилари ўртасида ўтказилган ушбу тадбирда туман «Камалак» болалар ташкилоты бўлими ходимлари фаолиятида ёшларнинг «Аждодлар ёди» мавзуси остида намойиш этилган саҳна кўринишлари, аждодларимиз, алломаларимиз сиймоларининг ўсмирлар томонидан маҳорат билан ижро этилиши йиғилганларда яхши таассурот қолдирди.

Тадбирда иштирок этган туман қўшимча таълим мажмуаси вакиллари ҳамда ўқитувчилар, ота-оналар ёшларнинг ўз ўтмиши, тарихи билан қизиқишларини юқори баҳоладилар.

«Камалак» болалар ташкилоты туман бўлими «Олтин мерос» йўналиши бўйича ўтказган ушбу тадбирда болаҳонларнинг тарихимиз, маданиятимиз ҳамда ўтмишдаги буоқ алломаларимиз ҳаётига эътибори ниҳоятда баълаңдлғи яққол кўзга ташланди, — дейди туман болалар ташкилоты раиси Умид Ражабов. — Айниқса, 5-синф ўқувчисининг Алишер Навоий образини маҳорат билан ижро этиши томошабинларда катта таассурот қолдирди.

Акбар Йўлдошев



Сенинг соғинчингсиз бўлмас борарим
Менинг муродимга ривож сен ўзинг.

• ҚАРОР ВА ИЖРО

Бугуннинг талаби —
ҳамкорлик

Тинчликни сақлаш, фуқаролар хавфсизлиги, жиноятчиликка қарши кураш, фуқароларнинг ўзини-ўзи бошқариш органлари, шунингдек милиция таянч пунктлари инфратузилмасини таъминлаштириш ҳозирги куннинг муҳим масалаларидан биридир. Юнусбод туман ҳокимлигида Ўзбекистон Республикаси Вазирлар Маҳкамасининг «Ижтимоий кўникма марказлари фаолиятини таъминлаштириш тўғрисида»ги ва Тошкент шаҳар ҳокимининг шу йўналишдаги Қарорлари асосида милиция таянч пунктлари инфратузилмасини таъминлаштиришга оид вазифалар юзасидан семинар-кенгаш бўлиб ўтди.

Унда маҳалла оқсоқоллари, маҳалла посбонлари, сардорлари, педагог тарбиячилар, туман Ички Ишлар бошқармаси раҳбарлари, участка профилактика нозирлари, ўқув муассасалари раҳбарлари, «Маънавият ва маърифат» маркази ходимлари ва «Камолот» ёшлар ижтимоий ҳаракати туман бўлими етакчилари иштирок этдилар.

Тадбирни туман ҳокими ўринбосари Вафо Латипов кириш сўзи билан очар экан, милиция таянч пунктлари инфратузилмасини таъминлаштиришдан мақсад

ҳуқуқ-тартибот ишларини бевосита маҳалалар ҳамда турар жойларда олиб бориш эканлигини айтиб, Учаска профилактика нозирлари фуқароларнинг ўзини-ўзи бошқариш органлари, хотин-қизлар комитетлари, яраштириш комиссиялари, маҳалла посбонлари ва педагог-тарбиячилар билан хавфсизликни таъминлаш ва жиноятчиликнинг олдини олишда ўзаро ҳамкорлик қилишлари давр талаби эканлиги алоҳида эътибор қаратди.

Шунингдек, туман Ички ишлар бошқармасининг бўлим бошлиқлари А.Хасанов ва О.Қорақуловлар сўзга чиқишиб, милиция таянч пунктлари шарт-шароитларини яхшилаш борасида ва унинг моддий техника базасини яратишда ижобий ишлар амалга оширилиши билан биргаликда концепция талабларига тўғри келмайдиган камчиликларни бартараф этиш, шунингдек Ўзбекистон Республикаси Президентининг Ўзбекистон Республикаси Конституциясининг 10 йиллиги муносабати билан амнистия тўғрисидаги Фармониغا асосан жазони ўташ жойларидан озод этилган фуқароларнинг ижтимоий ҳаётга киришини таъминлаш борасида қилинаётган ишлар билан йиғилганларни бевосита таништирдилар.

Бахтиёр КАРИМОВ

• ҚАДРИЯТЛАРИМИЗ

ЯХШИ УДУМЛАР УНУТИЛМАСА...

Ўзбекчиликда кўп яхши, ибратомуз урф-одатларимиз борки, уларни бугунги кунда ҳам кенг қўллаш фойдадан ҳоли эмас. Масалан, қадимда фарзанди вояга етмаган ёки фарзандсиз кишилар, хусусан, қариялар бирор-бир юмушлари учун ҳеч қачон мардикор ёлламаганлар. Мабодо ёллагудек бўлсалар, бу ҳол шу маҳаллада истиқомат қилувчи ёш-ялангларнинг иззат-нафсига теккан; ён атрофида тайёр дастурлар турганда четдан одам олиб, юмуш буюриш қаттиқ айб саналган. Қийда қор курашми, кузда том сувашми, ўтин ёриб, сув ташишми, ённки экин-тикин ишларими, ҳамма-ҳаммаси қўни-қўшни болалари ёрдамида саранжом топган.

Оилада эр кишии бўлмаган аёллар эса бозор-ўчар ишлари, ўтин ёриш, сув ташиш ташвишларидан бутунлай озод бўлганлар. Бунинг учун бўш челақларни кўча дарвозаси олдида қўйиб қўйиш, ўтин ва болтани ташқарида қичқириб қўйишнинг ўзи қийфа қилган. Уларга қўзи тушган йўловчилар, танишми, нотанишми, ундан қатъий назар, челақни тўлдириб, ўтинни ёриб, ўтиб кетаверишган. Мана шундай беминнат хизматкорлар уй соҳибидан пул ҳам сўрамаган, бирор нарса таъма ҳам қилмаганлар. Чўки ёшлар бировларнинг ҳолатини чикармоқ учун ўзларини ҳаммаи бурли деб ҳисоблаганлар. Бу қимматли удумимизни ҳам айнаи вақтда қайта тикламоқ ва оммавий-лаштирмоқ зарурий ишларимиздан биридир. Ёшларимиз ота-боболаримиздан қолган

ушбу ақидаларимизни тиклашга ҳисса қўшсалар айнаи муддао бўлар эди. Ана шунда фақат ўз оталарининг боласи бўлмай, жамиятимизнинг қобили маъқул фарзандлари бўлиб етишганликларини намойиш қилган ва элу халқ олқишига сазовор бўлган, улуг номга мувофиқ кишилар саналардилар. Бу эса уларнинг келгуси камолларини, ризқ-рўзаларининг барокасини ва ҳеч қачон завол кўрмасликларини таъминлаган бўларди. Зотан, доно халқимиз: «Ердан айрилсан ҳам, элдан айрилма», «Эл ишини эр йигит қилур, эр йигит қадрини эл билур», — деб беҳиж айтишмаган. Ёшларимиз ана шу доно гапларга амал қилишлари мақсадга мувофиқ, мақтовга лойиқдир.

Ёшларнинг ҳулқ-атворида кўпича асосан нуруний қариялар баҳо беришади. Улар

одобли, оёқ-қўли чаққон болаларни қўриша, «Барака топ», деб дуо қилишади. Ота-оналари шайнига «Ота-онанга раҳмат» деб илик гаплар айтишади. Яхши йигит ҳақида: «Барака топқур яхши йигит бўлибди. Икки қўли қўксиде — саломини қанда қилибди. Тўй-ҳашамларда ҳаммиша хизматда, оёғидан ўт чакнайди-я? Оғзидан бирор ноҳўя гап, сўз чиққанини билмайман. Ота-онасига раҳмат, яхши фарзанд ўстирибди. Илоҳим ҳаммининг ўғил-қизи шунақа бўлсин!», деган гапларни; яхши қиз ҳақида: «Фалончининг қизи қизмисан-қиз бўлибди-да, ҳаё билан юради. Муомаласининг ширинлигини айтмайсизми? Бир нарса сўрсангиз «Хўп бўлади», «Лаббай», «Хозир» деган жавобни ашитасиз. Онасининг малҳами — жони бўлиб-

ди. Укаларини тинчтиш, онасига қарашни, тиқиш-бичиш, тўқуш дейсизми, овқат пишириш, ҳар хил ширинликлар тайёрлаш, уй тутуш, рўзғор тебратишгача урдалайди, деб таърифлашади. Барака топсин, бир жойга келин бўлиб тушса қоқилимайдиган бўлибди», дейишади. Яхши фарзанд ота-онанинг юзини ёруғ, қўксини тоғ қилади, ёмон фарзанд эса ота-онасини кўйдириб кул қилади. Шундай экан, азиз ота-оналар, фарзандларингизни ёшайдан эркалаб, авайламанг, кўпроқ меҳнат қилишга ўргатинг. Муқаддас ҳадиси шарифда ҳам бу ҳақда шундай гаплар бор. «Фарзандларингизни қулдек ишлатинг, лекин гулдех авайланг». Албатта меҳнат инсонга фақат шон-шараф, ҳурмат-эътибор келтиради.

Ойшахон ТЎРАЕВА

• ТАДБИРЛАР

Кексалар эъзозланди

Халқимизда «Маҳалланг — ота-онанг» деган ажойиб нақл бор. Дарвоқе, маҳаллада ўсиб-унган ҳар бир инсон шу гўшанинг фарзанди ҳисобланади. Юксак инсоний туйғулларнинг олий ифодасини биз фақат маҳаллада кўришимиз мумкин. Шаҳримизнинг обод маҳаллаларидан бўлиши «Янги Тошкент»да муборак ҳаж зиёратига отланаётган пир у бадавлат отахону онахонларимиз иштирокида уюштирилган тадбир ҳам юқоридаги фикримиз исботидир.

— Бугун «Янги Тошкент»да катта шодийна бўлиб ўтапти десак янглишмаймиз, — дейди тадбирни очар экан «Маҳалла» жамғармасининг Собир Раҳимов туман бўлимининг раиси Сайдахмад Обидов. — Бу эса маҳалла аҳлининг бир-бирига бўлган инсоний туйғулларнинг кучли эканлигидан далолатдир. Шу маҳалладан олти нафар энг табарруқ отахону онахонларимизга муборак ҳаж зиёратига бориш насиб қилган экан уларга оқ йўл тилаб қоламиз.

Фурсатдан фойдаланиб кўрсатилаётган эътибор ва меҳрдан кўнгиллари кўтарилган маҳалла фахрийси Зокир ака Каримбердиевнинг дил сўзларига қулоқ тутдик.

— Оллоҳга шукри, Мустиқиллигимизнинг шарофати билан шундай улугъ зиёратга йўл олиш бахтига муяссар бўлиб турибмиз. Тилагим барча юртдошларимизга ҳаж зиёратига бориш насиб этсин.

Обод маҳалла йилида бу каби тадбирларнинг ташкил этилиши, уйлаймизки, маҳаллаларимизда фойз-барака ва аҳилликнинг янада бардавом бўлишида муҳим омилдир:

Баҳром КАБИРОВ

Шу йилнинг 17-26 январь кунлари Берлинда ўтказиладиган «Яшил ҳафта-2003» қишлоқ хўжалик маҳсулотлари халқаро кўргазмаси Ўзбекистон ва Германия Федератив Республикаси ўртасида савдо-иқтисодий алоқаларни кенгайтириш, шунингдек мамлакатимиз маҳсулотларини Европа бозорларига чиқариш, хорижий инвестицияларни жалб этиш имконини беради.

Ўзбек ноз-
неъматлари
Европа бозорига

Миллий кўргазма Ташқи иқтисодий алоқалар агентлиги, «Ўзмевасабзавторгузмасаноатхолдинг» компанияси, «Ўзбекбирлашув» акциядорлик компанияси, «Ўздонмахсулот» давлат-акциядорлик компанияси, «Озиковқатсанот», «Ёқмойтмақисанот» уюшмалари томонидан тайёрланади. Стендардлар ахборот-маълумотлар инглиз ва немис тилларида бўлади. Кўргазмадан жаҳон бозорларида харидоригр бўлган аъло навли мусалласлар, табиий шарбатлар, ароқ ва қоньяк ичимликлари, қўлпа турдаги ўсимлик ёғлари, консервланган сабзавотлар, мева-лар, мураббоблар, шарқона ширинликлар, бир сўз билан айтганда Ўзбекистонимиз ноёб ноз-неъматлари ўрин олади.

«Туркистон-пресс»

Икки минг учинчи йилнинг «03»и

Азизим, 2003 йилнинг охириги рақамларига эътибор бердингизми? Ҳа, нима бўпти дейсизми? Албатта ҳеч нима бўлгани йўғу, лекин «03» сони бизнинг ҳаётимизда нечоғлиқ аҳамият касб этишини ҳаммамиз яхши биламиз.

03 бу нажот фариштаси десак муболага бўлмайди, чунки инсоннинг энг оғир дамлари билан боғлиқ бўлган бу рақам сув ва ҳаводай асқотади. 2003 йил ўзи билан бирга, бахтли рақамни ҳам эргаштириб келди, бир оз бўрттиргандир-миз. Бахтли рақам дея, аммо ўзингиз ўйлаб кўринг саломатлигимизнинг энг оғир дамларида нажот фариштаси пайдо бўладую сизни ишончи қўлларга топиради, сиз бир оз бўлсада енгил тин оласиз, борлиққа умид билан босасиз. Вужудингизни қамраб олган кўркүв, оғрик ва ҳадик-

сираш бир он сизни тарк этади.

03нинг қақадар керакли рақам эканини энди англаган дилсиз. «Соғ танда — соғлом ақл», дейди доно халқимиз. Агар худо кўрсатмасину носоғлом бўлиб қолсангизчи, унда ҳолингиз не кечади, бир уйни обод, бир кўнгилни шод этишга, кимнингдир ҳолатини чиқаришга, кискаси маънироқ бирон бир ишни қойилмақом этиб бажаришга кўрбимиз етарикан. Асло... 03лар эса саломатлигимиз посбонларидир, керакли рақамни тера олсангиз бас, улар елдек учиб

ёрдамга етиб келишади. Дарднингизга дармон бўлишади. Азизларим, менга қолса ҳеч кимнинг бемор бўлишини, «03»га ҳеч қачон иши тушишини истамасдим. Бироқ шу кўҳна оламда яшар эканмиз истаимизми, йўқми дард танамизга меҳмон бўлиши тайин. Бу ҳаёт қонуни. Мен 2003 йилда 03 тез тиббий хизмат кўрсатиш марказининг инсонлар ҳаётига янада масъулроқ қарашини, нажот фаришталарини соат сайин эмас дақиқалар сайин елдек учиб келишларини истардим, чунки баъзи «03»ларимизнинг боқибегамлиги оқибатида инсон деб аталмиш энг буюк зотнинг ҳаёти хавф остида қолади. Ҳаётининг сўлим гуллари сарғаймай сўлади...

2003 йилда дилни вайрон қиладиган лоқайдликлар бўлмаслигини, «03» тиббий хизмат кўрсатиш бўлимлари фидокорона меҳнат қилишларини истаб қоламиз.

Гулчехра ДУРДИЕВА

«Тошкент оқшоми» газетасини кўп йиллардан бери кузатиб бораман. Менга айниқса «03-03 ўрганиб доно бўлур», «Ибратли ҳикоятлар» руқнларидаги материаллар жуда ёқди. Тан олишим жоиз, менинг ота-боболаримиздан мерос қолган ҳикматларга, ривоятларга, умуман аждодларимиз меросига меҳр кўйишимда «Оқшом»нинг ўрни бекиёс. Касбим журналист бўлгани туфайлими, ҳар хил тоифадаги инсонлар билан учрашишга, улар билан суҳбатлашишга тўғри келади. Дарвоқе, мазкур газетанинг жорий йилдан янгича йўналишда, ранг-баранг мақолаларни чоп этишга аҳд қилганлиги, миллий кадриятларимиз, урф-одатларимиз ҳамда аждодларимиз меросини тарғиб қилишга қаратилган мақолаларни янада кўпроқ эълон қила бошлаганлиги қувонарли ҳол. Бу ишда таҳририят ходимларига ижодий зафарлар тилаб қоламан.

Куйида сиз, азиз оқшомхонларга муҳаббат туйғусининг нақадар катта куч эканлигига яна бир бор гувоҳлик берувчи Муҳаммад акадан эшитганларимни сўзлаб бермоқчиман.

ПАРВОНАГА АЙЛАНГАН МУҲАББАТ

Университетдаги таҳсилимизнинг учинчи йили, тоғли кишлоқларнинг бирида истикомат қилувчи курсдош дўстимиз Жамшидиннинг уйида меҳмон бўлганмиз. Ушанда унинг отаси — Муҳаммад ака бизга бири-бирдан қизик, ибратли воқеалар, ривоятлар айтиб берганди. У кичидаги донишмандлик, сиполик, камсукүмлик, умуман дилкаш кайфиятга ҳавасимиз келганди.

Оқшомхонларга туҳфа этилаётган куйидаги ривоят ҳам ана шу суҳбатнинг мантикий ҳосиласи. Зеро, донишмандлардан бири айтганидек: «Ривоятда ҳам ҳақиқатнинг синиқлари ётади».

Кўёш уфқда бош қўйиб, аста-секин қоронғулик туша бошлаган, суҳбатимиз каттагина анҳор ёнида жойлашган сўрида давом этди.

— Анқонинг уруғини кўрганмисиз? — деганди менга ўшанда Муҳаммад ака ҳазиломуз тикилиб.

— Й-ў-к. Кўрмаган эканман. Хаттоки биринчи бор сиздан эшиттишим... — дедим билмаслигимни рўй-рост тан олиб.

— Унда эшитинг, ўғлим. — Муҳаммад ака шундай дея чойнақдан бир пийла чой куйди-ю, менга узатди.

— Айтишларича, қайсидир бир замонларда биз яшаётган ана шу сўлим гўшани қўшни давлатнинг ҳукмдори босиб олишни режалаштирибди. Аммо эл-улус ўртасидаги тотувлик, ҳамжихатлик, боз устига мамлакат ҳукмдорининг адолатпешалигини кўриб, ниятидан қайтибди. Меҳр-шафқат, ҳалоллик, покизалик қуртак отган масканга босқинчилик қилишдан ҳайқилди. Шундай бўлса-да, у ўзининг ёвуз ниятини кўнгилдан буткул чиқариб ташлаб олмабди. Аксинча, пайт пойлашни лозим деб топади.

Гуллаб-яшаётган юрт подшоҳининг биттаю битта қизи бор эди. Қувонч билан қайғунинг ўртаси бир қадам деганлари рост-да. Нима бўлибди-ю, кунларнинг бирида арзанда қиз қаттиқ бетоб бўлиб қолди. Қутулмаган бахтсизлик тождор отани саросиммага солиб қўйиши табиий эди. Негаки, у қизини ниҳоятда яхши кўрар, келажақда оқилу доно қувв топиласа, турмушга беришни кўнглига тугиб юрарди. Шу тариха мамлакатнинг турли сарҳадларида чопарлар юбюрилибди. Ўзини табибман деган кишларнинг барчаси саройга қорланибди. Аммо малика ҳадеганда дарддан фориг бўлавермабди. Шундай қилиб фурсатдан фойдаланиб қолиш истагида бўлган қўшни давлат султони ўзининг энг тубан, энг ёвуз маслакдоши ялмоғиз қампирга «табиб» қифасида сафарга отланишни юбюрибди... «Табиб» муложажанинг илк кунёқ ҳукмдорнинг ҳузурига кирибди.

— Сўйла, не демоқчисан, — дебди шох.

Хидирали ПАНЖИЕВ

Хатлар ҳаёт ойнаси

Ҳаёт ҳар доим ҳам бир маромда давом этавермайди. Зеро, бу дунёда ҳамиша қувончу шодликлар ила ташвишлар ҳам ёнма-ён юради. Чунки ҳаётда мукамал инсон бўлмаганидек, турмушимиз ҳам мукамал кечмайди. Ҳаётимизда шодиёна кунлар билан бирга, баъзан дилни хира қилувчи воқеалар, камчилик ҳамда нуқсонлар учраб туради. Бу ҳаётий ҳақиқатни таҳририятимизга турли тоифага мансуб оқшомхонлардан келаётган хат-хабарлар мазмунидан ҳам билса бўлади. Шуниси эътиборлики, ушбу мактублар мавзуну ранг-баранг бўлиши билан бирга уларнинг муаллифлари кўпроқ ўзларини тўлқинлантираётган воқеалар, ҳодисалар ҳусусида фикр-мулоҳаза билдиришга ҳаракат қилишади. Хуллас, кўнгилда айтиладиган гаплар кўп. Дарвоқе, мактуб эгалари орасида иктидорли инсонлар кўпалаб учрайди. Яъни айрим муаллифларимиз таҳририятга ўзлари ёзган шеърларини, ҳикояларини ҳам йўллашади. Биз мана шу жиҳатдаги хисобга газетхонлардан келаётган хат-хабарларга эътиборни янада қучайтириш мақсадида бугундан эътиборини газетамиз саҳифасида «Кўнгилдаги гаплар» руқнини очигиша азму қарор қилдик. Куйида сиз азизлардан келган дастлабки мактублардаги шахсий фикр-мулоҳазаларни эътиборингизга ҳавола этаёғимиз.

БЕҒАРАЗ ЁРДАМДАН МИННАТДОРМАН

Мен кўп йиллар Фавкулда вазиятлар вазирлигининг Тошкент шаҳар бошқармасида зобит бўлиб хизмат қилдим. Ҳозир истеъфодаги подполковникман.

Янги йил байрами арафасида оиламизда катта мусибат ўзо берди. 44 ёшли тўнғич ўғлимиз Сергей

Москва шаҳрида рақ касали туфайли вафот этди. Ҳозирги шариотда Москвага бориб келишнинг ўзи



Ҳар тонг газета мутоласидан бошланади.

Сергей Любич олган сурат.

• ГАЗЕТХОН ТАКЛИФ ҚИЛАДИ

Бугунги кунда шаҳар жамоат транспортидаги айрим ноҳушликлар йўловчилар дилини ранжитиб, кайфиятини бузаётгани ҳеч кимга сир эмас.

Иш амалда бўлсин

Кўпчилик автобуслар бекатда тўхтаганда йўловчиларнинг тушиши учун орқа эшик очилмайди, чунки чипта сотилмайди. Натижада тушишга тайёрланаётган йўловчилар салонинг олдинги қисмига интилса, уларга қарама-қарши олдинги эшикдан чиқиб келаётган йўловчилар билан тўқнашиб, тикилиш, тартибсизлик ҳосил қилиб кишилар бир-бирларига бақиритиб, кўнгилсизликлар юзага келмоқда. Бунинг асосий сабаби қондага амал қилинмаслиги бўлса, чипта сотувчи, ҳайдовчиларнинг лоқайдликларидир. Чунки улар асосий назоратчи бўлиб, йўловчиларни тартибга қайирувчи мутасадди ҳисобланадилар.

Бундай тартибсизликлар ҳар кун, ҳар доим ишчи хизматчиларнинг, умуман ҳамма тоифадаги йўловчиларнинг асабини бузиб, уларнинг қундалик ишларини сифатли бажаришга салбий таъсир этибгина қолмай, соғлиқларининг ёмонлашишига ҳам ўз таъсирини кўрсатмай қолмайди.

Автосаройларда техника йўқ эмас, етарли, аммо бу транспортлар неғадир кун мобайнида, айниқса эрталаб ишга бориш ва кечқурун ишдан қайтиш вақтида камқатнов бўлиб қолади. Масалан, 80-автобус Жанубий вокзалнинг Фарход

бўлмайди. Бунинг устига дафн маросимларини ўтказиш учун ҳам анчагина харажат керак эди. Ана шундай қийин шариотда оиламизга Тошкент шаҳар фавкулда вазиятлар бошқармаси томонидан беминнат ёрдам кўрсатилди. Бошқарма маъмуриятининг моддий қўллаб-қувватлаши туфайли ўғлимизнинг дафн маросимларини ўтказиб қайтдим. Бунинг учун бошқарма раҳбариятига оиламиз аъзолари номидан ўзимиз-

нинг қалб миннатдорчилигини билдираимиз. Кўп йиллик тажрибамни инобатга олиб шаҳар фавкулда вазиятлар бошқармасига мени яна ишга таклиф этишди. Бунинг учун ҳам катта раҳмат! Ҳозир кадрлар бўлимида ишламоқдаман.

Мени ушбу қалб миннатдорчилигини газетангизда босиб чиқаришингизни чин дилдан истардим. **Олег МЕЛЬНИК,** истеъфодаги подполковник.

ЯХШИЛАР БОР, ОЛАМ МУНАВВАР

Кексайганида инсон меҳрга, эътиборга, ширин сўзга муҳтож бўлиб қолиши сир эмас. Шуниси қизиқки, бир оғиз ширин сўз — дардга малҳам, танга шифо бўлишини шифохонада оқ халатли қалби пок шифокорлар қўлида даволанган киши билади. Биз меҳнат фахрийлари Шайхонтохур туманидаги «Белтепа» маҳалласида яшовчи Болтабой Ақромов, Самарқанд дарвоза даҳаси, Беш лола қўчасида истикомат қилувчи Қайомжон Аҳмедов ҳамда Жангоҳ даҳасидан Абдулла Толиповлар оғир нафас қисий касаллиги — бронхит билан оғриб Ибн Сино номли 1-шаҳар шифохонасида даволандик. Ушбу шифо масканида бизга 3-терапия бўлими шифокори Дилором Асоимдинова, ҳамширалардан Шоира Ҳасимова, Гулноза Эргашевалар ўз ширин сўзларини қалб қўрлари, юқори касб маҳоратлари орқали дардимизга малҳам бўлишди. Ушбу ўз касбининг фидойилари бўлмиш, жонқуяр шифокорларга миннатдорчилик билдирад эканмиз, сиз каби яхшилар бор экан, олам мунаввар бўлаверади, қуёш нурини сочаверади деймиз.

• ГАЗЕТХОН ТАНҚИД ҚИЛАДИ

Тасаввур қилинг Юнусободдан эрталаб соат 6.30 да ишга отланадиган бўлсам, «Уч қаҳрамон» бекатида 123-автобусни 40 дақиқа, баъзан 1 соатлаб кутиб қоламан. Бу ҳол кўпчиша шу зайдда такрорланади. Туманининг Хасанбой даҳасида жойлашган шифохонада ишлаганим учун айнан Чимкент тракти йўналиши бўйича ҳаракатланувчи ушбу автобусда ишга қатнашга мажбурман. Лекин қўриб турганимиздек аҳвол бундай. Уйлаб қолсан қиш, қачонгача бу ҳол ана шундай давом этар экан. «Тошшаҳарйўловчитранс» давлат уюшмасидаги масъул шахслар ушбу йўналишда ҳаракат-

• МАКТУБ ЙЎЛГА ЧОРЛАДИ

Сир эмаски, истиқлол шарофати туфайли мамлакатимизда кўплаб газета-журналлар чоп этила бошланди. Шуниси эътиборлики, матбуот нашрлари ранг-баранг мақолалари билан муштарийлар кўнглидагини айтишга интиломқдалар. Бу қувонарли ҳол албатта. Аммо бу борада «Тошкент оқшоми» газетасининг ўрни бўлачқа. Қамина 1966 йил газета чоп этила бошлагандан бўён уни доимий равишда ўқиб бораман. Тўғриси айтганда, менга «Оқшом» жуда ёқди. Ўзингиз ўйланг, «03-03 ўрганиб доно бўлур», «Ибратли ҳикоятлар», «Зийрак бобо шахар кезади», «Турмуш чорраҳаларида», «Маънавият сабоқлари» руқнларидаги мақолалар, лавҳалар ҳамда хабарлар ёшлар тарбиясининг шаклланишида муҳим роль ўйнайди-да. Дарвоқе, келажагимиз ворисларининг ҳуқуқий саводхонлигини ошириш мақсадида кейинги пайтда таҳририят ходимларининг изланишлар олиб бораётганликлари газетда бу борада чоп этилаётган материаллардан ҳам кўриниб турибди. Истагим, «Оқшом»да ёшларнинг, оналар ва болаларнинг ҳуқуқлари, муаммолари, бурчлари ҳақидаги мақолалар кўпроқ эълон қилинса, журналистларимиз томонидан мамлакатимиз Қонуналарининг моҳияти муштарийларга тушунтириб берилса фойдадан ҳоли бўлмасди. Яна бир гап. Кейинги 11 йил мобайнида ўзини-ўзи бошқариш органи бўлмиш маҳалла ривожига эътибор ниҳоятда қучайди. Бунинг жорий 2003 йилни Президентимиз ташаббуслари билан «Обод маҳалла йили» деб номланиши ҳам яна бир қарра исботлайди. Лекин, очигини айтиш жоиз, ҳозирда ҳамма ҳам ўзи севган наشريга обуна бўлолмаслиги мумкин. Кам таъминланган оилаларга бу борада ёрдам бериш учун маҳаллада имкон бор. Яъни айтмоқчиманки, маҳалла фуқаролар йиғини раиси агар коммунал тўловлар фуқаролар томонидан ўз вақтида тўланган бўлса, шу маблағдан маълум бир фоизни газета-журналлар обунаси учун ажратса айни муддао бўларди. Маҳалла фаоли сифатида бемалол айтишим лозим, шунда ҳар бир маҳалладан беш нафар оила «Тошкент оқшоми» газетаси материалларидан мунтазам баҳраманд бўлур эди. Шаҳримизда 455 та маҳалла борлигини инобатга олганда 2300 нафар фуқаро маънавият сарчашмасидан баҳраманд бўлур эди.

Раъно РАҲИМБЕКОВА,
Собир Раҳимов тумани, Беруний номли маҳалла фуқароси.

Айни муддао бўларди

Ушбу мактуб билан танишгач, очиги бизда Раъно опа билан суҳбатлашмиш истаги туғилди-ю Беруний номли маҳаллага йўл олдик. Бу маҳалланинг доврғу ҳақида кўп эшитганмиз. Айниқса, маҳаллада фуқароларнинг барқарор, тинч, осуда ҳаёт кечиряшлари мақсадида яратилган шариотлар ҳақида гапириб ўтириш ортиқча. Маҳалла оқсоқоли Саидҳаммад ака Обидов ва фаоллар ташаббуси билан ёшларнинг маънан етук, жисмонан баркамол инсон бўлиб вояга етишлари йўлида турли тадбирларнинг тез-тез ўтказиб турилиши ҳам таҳсинга лойиқ. Дарвоқе, Собир Раҳимов туманидаги ушбу маҳалла пойтахтимизнинг энг яхши маҳалласи сифатида бир неча бор эътироф этилган, танловларда ғолибликни қўлга киритган. Оқсоқол Саидҳаммад ака айни пайтда «Маҳалла» жамағатимизнинг Собир Раҳимов туман бўлимига ҳам раҳбарлик қилиб келмоқда. Кейинг, асосий муддаога ўта қолайлик. Хуллас, Раъно опа билан учрашиб дилдан суҳбатлашдик. Шунини таъкидлаш лозимки, опа истараси иссиқ, қувноқ ва дилкаш аёл экан. Бизни кўриб хурсанд бўлди.

— «Оқшом» менинг жону дилим, — дея сўз бошлади опа, — ишонасизми, унинг ҳар бир сонини синчиклаб кузатаман, маъза қилиб ўқийман. Авваллари, газета ҳафтада олти мартача чоп этиларди. Хатто ўзим бир неча йил мақолаларим билан газетда қатнашганман. Марҳум журналист Тўлқин ака Расулов билан ҳамкорлик натижасида ҳуқуқий, маънавий, ижтимоий мавзуларда ёзган бир неча мақолаларим «Тошкент оқшоми»да эълон қилинган. Шукрки, газетанинг обрўси қундан қунга ортиб борапти. Айниқса «Оқшом»нинг жорий йилдан ҳафтасига беш марта чоп этилаётганлиги мени жуда хурсанд қилди.

— Раъно опа, газетамизнинг фаол муаллифларидан бўлган экансиз, нега кейинги пайтларда ўзбека мақола ёзмай қўйдингиз? — сўраймиз опадан.

— Нафақага чиққанамга етти йил бўлди. Қўзим операция қилинган, ёшимга қийналиб қолдим. Шукрки, ҳозир тузукман. Худо хоҳласа, мақолаларим билан қатнашиб тураман.

— Энди опа, сиз мактубингизда ёзган таклифингизга тўхталасан.

— Бажонидил. 1974-1988 йилларда Беруний маҳалласида хотин-қизлар комиссиясига раҳбарлик қилганман. Аслида ўқитувчиман. Тошкент Давлат юридик институти, Тошкент Давлат иқтисодиёт университети ҳамда Тошкент Давлат техника универ-

• ГАЗЕТХОН ТАНҚИД ҚИЛАДИ ЙЎНАЛИШ ҚАЧОН ТАРТИБЛИ БЎЛАДИ?

Вакт тушунчаси ниҳоятда қадрли ҳисобланади. Ўтаётган кунимизнинг ҳар бир дақиқасида умримиз қисқариб бораверар экан. Шунинг учун ҳам вақтинг кетди, бахтинг кетди деб бежизга айтмаганлар. Вақтни беҳуда сарфлаш, унинг қадрини билган киши учун ниҳоятда ачинарли. Бундай ҳоллар кўпчиқа оддий транспорт қатнови шариотида учраб туриши эса кишини қуюшқонга келтиради.

ланувчи транспортлар сонини ҳеч бўлмаганда яна 3-4 тага кўпайтирса мақсадга мувофиқ бўлар эди. Ана шунда қимматли вақтимиз билан бирга асабларимиз ҳам асраб қолармидик.

Абдулатиф СОИПОВ, Юнусобод тумани.

Ушбу танқидий мақола юзасидан ана шу ҳолини ўз кўзимиз билан кўришга борганимизда газетхонимизнинг сўзларида ҳеч қандай ёлгон сезмадик. Шаҳри-

Ҳақиқатан кам 123-йўналиш бўйича қатновчи автобусни қатновчи 60-, 72-, 93-, 96-автобуслар ҳаракатидан ҳам-шаҳларимиз мамнун эканликларини айтиш жоиз.

Шу ўринда «Тошшаҳарйўловчитранс» давлат уюшмаси вакиллари газетхонимиз сўзларини инобатга олиб, 123-йўналиш бўйича қатновчи автобуслар сонига ва ишлар сифатида ҳам эътибор беришларига умид қилиб қоламиз.

Орузгул РУСТАМОВА

«050»: қўйқарув хизмати хабарлари

Оқибатини ўйламай...

Чилонзор тумани, 16-даха, 22-уй, 25-хонадонда яшовчи фуқаро Лариса Жидкова туғишган укаси уй эшигини очмаётганлиги тўғрисида қўйқарув қилди. Манзилга етиб келган «050»-Қутқарув хизмати ходимлари эшикни махсус техника ёрдамида очиб киришганда йигитча гиёванд моддани меъёридан кўп истеъмол қилиш натижасида бу олам билан хайрлашганди. Опаси Ларисанинг айтишича ишдан кечки соат 21 ларда келганида эшик ичкаридан беркитилган, лекин уй ичиде укаси борлиги аниқ эди. Эшик қўйқаровини анча вақтгача чалган ва тезроқ уйга киришга ҳаракат қилган. Бироқ, на қўни қўшни, на таниш-билишларнинг ҳаракатлари унга ёрдам бера олади. Бу ҳаракат ярим кечаси соат 3.00 гача давом этади. Шунда ёрдамга келган қўшнилardan бири Қутқарув хизматига қўнғироқ қилишни маслаҳат берди.

Шахси аниқланмоқда

Анхор каналининг Чилонзор туманидан оқиб ўтувчи ҳудудда ёши 20-25 атрофларида бўлган номалум аёлнинг жасади топишган. Бу ҳақда «050»-Қутқарув хизматига Чилонзор тумани Ички ишлар бўлими ходимлари хабар беришди. Жасадини сувдан чиқаришга Қаҳрамон ака Рабданов бошчилигидаги Қутқарув хизмати гаввослари жалб этилди. Улар жасадини сувдан чиқаришиб, шахсини аниқлаш учун Ички ишлар вакилларига топширишди.

Борингларга шукр

— Мен Тўйтепага қариндошларимникига кетган эдим ва эртасига қайтдим. Афсуски қайтишимда калитни йўқотиб қўйдим, қаерга қўйганимни эслай олмайман. Уйга киролмасдан уч соат кўчада тентираб ўтган-кетгандан ёрдам сўрадим ва кимдир «050»-Қутқарув хизмати борлиги, шуларга қўнғироқ қилишимни айтиб қолди, — дейди Юнусобод тумани, 4-даха, 42-уй, 1-хонадонда яшовчи Нурсаҳон Вовжания.

Подполковник Ш. Йўлдошев бошчилигидаги Қутқарув гуруҳи айтилган манзилга етиб келганда хонадон эгаси кўчада совуқда қўтиб ўтирарди. Хонадон соҳибасининг айтишича ичкарида қўшимча калит қолган, лекин уй ичига қандай кириш керак. Бунинг фақат бир йўли бор, у ҳам бўлса балқонга ўрнатилган панжарани кўчириб, дераза орқали кириш ва қўшимча калит ёрдамида эшикни очиш, панжарани эса ўз жойига қайта ўрнатиш эди. Бу ишни Қутқарув гуруҳининг сардори сержант Р. Ортиқалиев ҳамда Ш. Давлетовлар аъло даражада ундади. Хонадон соҳибаси шахсимизда шундай беиминнат хизмат борлигини, уларнинг ишидан қийил қолганини ва ўз миннатдорчилигини билдирди.

Ўткир САИДОВ,
Муҳиддин ИСОКОВ,
Тошкент шаҳар Фавқулодда
вазятлар бошқармаси Матбу-
от хизмати ходимлари.

ШАҲРИМИЗ ТАРИХИНИ БИЛАСИЗМИ?

Қадимги Тошкент қиёфаси

Шаҳарни сайр этиш нақадар мароқли. Айниқса, ҳозиргидаё сўлим ва гўзал, мафтункор фавворалар-у ажиб сайилгоҳларга бой Тошкент азимни сайр этиш киши кайфиятини кўтариб юборади.

Агар сайр давомида сизга нуруний отахон ва онахонлар ҳамроҳ бўлса борми, саёҳатингиз кечаги куннинг ажиб хотира-ларини ю бугуннинг шукрона-сига ҳамроҳ бўлади. Келинг, азиз газетхон бугун сиз билан мана шундай кекса нурунийларимиз сингари тарихий хотира-ларга бой архив ҳужжатларини тилга киргизмоққа ҳаракат қилайлик. Бундай маълумотларни ўзида жам этган китоблардан бири архив кутубхонасидан муносиб ўрин тутган «Тошкентнинг ўтмиш қиёфаси» номли китобдир. Унда ёзилишича эски Тошкент шаҳри тўрт қисм, яъни тўрт даҳага бўлинган. Тошкент даҳалари Шайхонтоҳур, Себзор, Қўча, Бешёғоч номлари билан юритилган. Даҳалар ўз нуфузи ва эгаллаган майдони жиҳатидан турлича бўлиб, масалан, Себзор даҳасида — 38 та маҳалла бўлган. Аҳолиси асосан этикдўзлик, тўқувчилик ва бўёқчилик билан машғул бўлган.

Қўча даҳасида 31 та маҳалла бўлган. Уларнинг ерлари асосан боғ-роғ ва полиз билан банд бўлган. Аҳолиси асосан қўнчилик билан шуғулланган.

Бешёғоч даҳасида 32 та маҳалла бўлиб, ерлари асосан

экинзорлардан иборат бўлган. Шайхонтоҳур даҳасида эса 52 та маҳалла бўлиб, аҳолиси асосан ҳунармандчилик ва деҳқончилик билан шуғулланган. Бу даҳада бадавлат савдогарлар ҳам бўлган.

Шайхонтоҳур шарқ тарафда катта жарлик билан чегараланган бўлиб, тезоқар Анхор шу жардан ўтган. Анхордан бош олган ариқлар даҳа ерларини, умуман Чорсудан Янги шаҳар-гача бўлган майдонни сув билан таъминлаган.

Шайхонтоҳур кўп нуфузли маданий ва марказий даҳа эди, боғлари ҳам кўп бўлган. Бу даҳада кўплаб мадраса ва мактаблар бўлган.

XIX асрнинг охири XX асрнинг бошларида Тошкент қиёфасида сезиларли даражада ўзгаришлар намойён бўла бошлаган. Бу ўзгариш даҳалар ҳам яққол сезила бошлаган. Дастлаб бой-бадавлат, ўзига тўқ кишилар йиларини европача усулда қурдири бошлади-лар. Аҳоли уст-бошида ҳам ўзгаришлар кўзга қўйна бошлади. Камзул ва қалиш кийиш урф бўлди. Уша даврда маҳал-лалардаги оқибат, ўзаро ҳур-мат жуда кучли бўлган экан.

Маҳаллалардаги урф-одат-лар, маҳалла аҳлининг ўзаро

ҳурматлари бекиёс бўлган. Маълумотномаларни вақлаб туриб, мана орадан қарийб бир аср вақт ўтибди-ю ўзбекинг қалб кўридаги самимий мада-ният ўқунлари ҳали ҳам ёна-ётганидан фахрлилик кетасан киши. Чунки ҳозир ҳам киши-ларнинг тўй-ҳашамлари, маъ-ракаларида, оғир қўнларида қўни-қўшиллар жонга оро ки-радилар. «Ўзоқдаги қариндош-дан яқиндаги қўшни яхши» деган ибора шундан келиб чиқ-қан бўлса керак.

Азалдан даҳалардаги ма-ҳаллаларнинг ўз қонун-қоида-лари мавжуд бўлган экан. Маълумотларда ёзилишича қараганда, маҳаллалар шаҳар ҳаётида катта аҳамиятга эга бўлган. Маҳаллада яшаб тур-ган кишилар ерлари туташ, ака-ука, қон-қариндош бўлиш-ган. Баъзи қариндош бўлмаган қўшиллар ҳам ўзаро жуда яқин муносабат ўрнатилган. Буни халқ мақоллари ҳам тасдиқ-лайди: «Ховли олма — қўшни ола», «Бир болага етти қўшни ота-она», «Гилам сотсанг қўшининг сот — бир чеккаси-да ўзинг ҳам ўтирасан». Маҳал-ла аҳллари ўзаро жуда аҳил бўлиб, тўй-маъракалар қўши-лар, маҳалладошларсиз ўтма-ган. Қўчаларга сув сеиб сўгу-

риб-сидиришга катта аҳамият берилган. Уй-жойлар ҳашарлар йўли билан қад кўтарган. Бева-бечораларни маҳалла киши-лари ҳеч қачон унуттишмаган, улардан ўз ёрдамларини аш-маган.

Маҳаллада уй-жой сотиш борасида албатта диний шаф-офатга риоя қилинган. Бу урф-одага қўра уй албатта яқин тўрт қўшни — икки ён томон ва ховли этагидаги рўпарада-ги қўшиллар, баъзан қўшни маҳаллалардан харидор қиса, ўша кишига сотилган. Харидор бўлмаган тақдирдагина бошқа шаҳар ёки қишлоқдан келган кишилар уйни сотиб олишга ҳақли бўлганлар.

Маҳаллага ном берилганда ҳам ушбу ҳудуднинг номлари, касб-хунарлари, шеваларига аҳамият берилган. Айрим ма-ҳаллалар тили, шевасига қўра: Тожик маҳалла, Қашқар маҳал-ла, бирор объект номига қўра — Баланд маҳит, Жангоб деб ҳам аталган; касб-хунар билан боғлиқ номлар ҳам бўлган — Ўқчи, Дегрез каби. Бу маҳалла номларининг айримлари ҳозиргача ҳам сақланиб қолган.

Тошкентдек шаҳри азим борасида ҳар қанча гапирмай-лик, унинг қадим қиёфасини ҳар қанча тасвирламайлик оз. Бу мавзунинг тасвирлаб тугатиб бўлмайди.

Лола ОРИФЖОНОВА,
Ўзбекистон Республика-
си Марказий Давлат
архиви «Ҳужжатлардан
фойдаланиш ва уларни
эълон қилиш» бўлими
мудир.



Осмонпур бинолар шахримиз кўркига
янада чирой бағишлайди.

ТАЪЛИМ

Сарҳисоб ва режалар

Тошкент шаҳар педагогларни қайта тайёрлаш ва малакасини ошириш институти илмий Кенгашининг йилги йили бўлиб ўтди.

Институт ректори, педагогика фанлари док-тори, профессор Х. Йўлдошев 2002 йилда олий ўқув юртида амалга оширилган ишларнинг сарҳисобини қилар экан, педагог кадрларни қайта тайёрлаш ва малакасини ошириш, уларнинг кас-бий билим, қўнимчаларини мавжуд Давлат таъ-лим стандартлари ва талабларига мувофиқ чу-қурлаштириш ҳамда тақомиллаштириш, педаго-гик маҳоратини оширишга хизмат қилувчи фан-лардан энг замонавий билимларни бериш ва таълим жараёнига самарали жорий этиш, дарс жараёнини илгор технологиялар, интерфол усулларда ташкил этиш, миллий истиқлол го-яларини маърузалар мазмунига сингдириш инсти-тут ходимларининг энг асосий мақсади эканли-гига алоҳида тўхтади.

Шунингдек, Тошкент шаҳридаги илгор педа-гогик тахрибага эга бўлган ўқитувчиларнинг ус-лубий маърузалари намуналаридан таркиб топ-ган «Замонавий таълим» услубий ахборотлар тўпламининг илк сони ва институт фаолияти ҳақида тўлиқ маълумот берувчи буклет матла-ри атрофича мувоқам қилинди.

Анжуман давомида илмий кенгашнинг янги таркиби, иш режалари, институт рами, шу-нингдек «Институт профессори ва доцент ил-мий унвонларини жорий этиш тўғрисидаги Ни-зом» тасдиқланди.

Алихон ТУРСУНМАТОВ

НОДИР ҚҮЛЁЗМАЛАР

Минг йил юзини кўрган

Алишер Навоий номидаги Ўзбекистон миллий кутубхонаси Ўрта Осиё минтақасида энг кекса зиё маскани бўлиши билан бир қатор-да ўз хазинасининг бойлиги жиҳатидан ҳам энг бой кутубхона ҳисоб-ланади. Шунинг учун бу ерга ҳамдўстлик мамлакатларидан ва чет эллардан илмий ходимлар кўплаб келиб туради. Айниқса, юртимиз мустақилликка эришгандан кейин Америка, Англия, Франция, Гер-мания, Япония, Жанубий Корея ва Фарбий Европанинг бошқа мам-лакатларидан ҳам кўплаб тадқиқотчи илмий ходимлар келишмоқда. Улар юртимизнинг қадимий тарихини, этнографиясини, тилини ва ижтимоий сиёсатини ўрганишга қизиқади.

Кутубхонада 22 та бўлим мавжуд бўлиб, улардан бири «Нодир на-шрлар ва қўлёзмалар» бўлими-дир. Бу бўлимда қадимги Туркистон та-рихига оид китоб, газета ва бошқа босма нашрлар билан бир қатор-да араб, форс, эски ўзбек тили-даги қўлёзма ва тошбосма асар-лар ҳам сақланиб келинади. Бу китоблар ичиде адабиёт, тарих, фалсафа, тилга оид илмий асар-лар ҳам бўлиб, улар илмий жиҳат-дан катта аҳамиятга моликдир. Худди шундай асарлардан бири араб тилида битилган Али ибн Му-хаммад бин Ҳабил ал-Мовардий-нинг «Ал-аҳком-ус-султония вал-вилоят-уд-диния», яъни «Давлат-чилик қонунлари ва шаръий бош-қарулар» номли асардир. Бу асар XX бодан иборат бўлиб, Давлат ва ҳуқуқ назарияси асосларига оид биринчи ёзилган манба ҳисобланади. Бу асар Аббосийлар халифалиги даврида, яъни — 450 ҳижрий йилида, 1058 мелодда ёзилган ва қадимда давлатчилик сиёсатини олиб боришда муҳим манбаларнинг бири бўлиб ҳисоб-ланган.

Биздаги сақланаётган бу нуска муаллиф нусхаси бўлиб, Аббосий-лар халифалигидаги ал-Қодир бил-лох кутубхонасидандир.

Бу асар устиде ҳозирги вақтда ёш тадқиқотчи арабшунос, манба-шунос олим Ўзбекистон Миллий университети тарих факультети, «Манбашунослик» кафедрасининг аспиранти Зиёвуддин Жўраев ил-мий тадқиқот ишларини олиб бор-моқда. Тадқиқотчи бу асарнинг

ўзбек тилига таржимасини тугатди.

Ёш олим мазкур асарнинг беш нусхасини солиштириб ўрганиб чи-киб, биздагиси ҳақиқатдан ҳам му-аллиф томонидан ёзилган тўлиқ биринчи нуска бўлиб қиёқатгани-ни таъкидламоқда. Чунки, қўлида-ги мавжуд бўлган бошқа нусхалар устиде Фарбий Европанинг кўпгина олимлари ишлаган ва улардан фойдаланган бўлиб, биздаги нус-ха тўғрисида ҳеч ким бирон нарса демаганлигини кўрсатади. Ёш та-дқиқотчининг таъкидлашича, у бо-шқа нусхаларга нисбатан энг му-камал ва тўлиқ ҳамдир.

Китоб Алишер Навоий номидаги Миллий кутубхонага қачон келиб тушгани ҳозирча номаълум, чунки кутубхона муҳри 1973 йили босил-ган, 1889 йили Тошкентда нашр этилган Е.Калинин ўша даврда ку-тубхонада мавжуд бўлган қўлёзма ва тош босма китобларга тўзилган библиографик кўрсаткичига ҳам ки-ритилмаган.

Китобнинг ёзилганига минг йил бўлмоқдаки, ҳозир ҳам ўзининг та-рихий аҳамиятини йўқотгани йўқ. Жуда яхши сақланиб келинмоқда.

Ёш тадқиқотчи Зиёвуддин Жўра-ев ўзбек тилидаги ўз таржимала-рини нашр эттирса, олимларимиз бу китобга ўз фикрларини албатта билдирадилар деган фикрдамыз.

Раҳимжон ФАЙЗУЛЛАЕВ,
Алишер Навоий номидаги
Ўзбекистон Миллий кутубхона-
си Нодир нашрлар ва қўлёзма-
лар бўлимининг мудир, Ўзбе-
кистонда хизмат кўрсатган ма-
даният ходими.

ОЗ-ОЗ ЎРГАНИД ДОМО БЎЛАҲ...

Маъруф хотинига қулиб айтди:

— Эй хотин, бунча қизишманг, ўзингизни яхши тутинг, бу парижонхал бемор ва унинг номаъқул сўзларидан безовта бўлиб қайгуланманг. Агар бу бемор дард, аламининг зўрлигидан тоқатсизланиб менга ҳужум қилса, оғзидан ноҳўра сўзлар чиқарса ҳам асло ҳафа бўлмайман, унинг маъносиз сўзлари сизнинг қулоғингизга ёмон эшитилса ҳам менга марғуб ва маҳбуб туюлади. Изтироб ва бетоқатликдан ухлай олмаган беморнинг ҳамма жабру-жафосини кўтариш керак. Сиз ўзингиз сийҳат-саломатсиз, унинг шукронаси учун касал, бева-бечораларга ёрдам беринг, уларнинг кўнгилларини кўтаринг. Карам, эҳсон эгаси бўлсангиз, номингиз яхшилик билан абадий ёд этилади. Жамият сизнинг қилган яхшиликларингизни сира ҳам унутмайди.

БАЙТ:

Мурувватли бўлиб, дарамадларнинг кўнглини шод эт,

Тафаккур айлагил, дармондаликнинг куйини ёд эт.

Тиларсан кўрмагайсан дардамандлик захматни ҳаргиз,

Шикаста нотававларнинг бузук кўнглини обод эт.

ҚИССА. Бир қаптар ариқдан сув ичиб турар эди, сувга тушиб қолиб чиқа олмай қийналиб турган бир чумолига кўзи тушди. У бечорага раҳми келиб, кичкина бир чўпни сувга ташлади. Чумоли чўпга ўтириб қирғоққа чиқиб олди. Шу чоқда бир овчи қаптарни кўриб қолди, уни отиш учун ҳаракат қилган эди, чумоли дарров унинг оёғини қаттиқ тишлади. Овчи оёқ дарди билан овора бўлиб қолди, қаптар учиб кетди. Чумолига яхшилик қилган эди, чумоли ҳам бунга яхшилик қилиб ҳалокатдан қутқазди.

ҚИССА. Хар ким яхшилик қилса, албатта унинг ўзига яхшилик, ёмонлик қилса, ёмонлик қайтсиз, ҳар ким эканини ўради. Ақлли одам ҳеч кимга ёмонлик қилмайдиган, қўлидан келганча яхшилик қилади.

● Олимлардан Жамол Фозил айтди:

— Саъй-ҳаракат инсонга шодхуррамлик бахш этади. Ялқовлик, ишқмаслик эса маъюслик, умидсизликка туширади, жондан бездиради ва бир қанча кулфат, машаққатларга гирифтор қилиб қўлади. Шу сабабга биноан ёш авлодга хитоб қилиб айтгимиз: ғайрат ва матонат билан ишланг, меҳнатни севинг, саъй-ҳаракатни қўлдан берманг. Ялқовлик, бекорчилик иллатидан ҳазар қилинг. Вужудингизнинг ҳузур-ҳаловатини меҳнат таъмин қилади.

БАЙТ:

Кимки бадқору, бад
халб бўлса,
Яхшиликнинг юзин
қачон кўргай?

КИШ ИЛҲОМЛАРИ

ҚАЛБЛАРГА ШАВҚ УЛАШАР

Пўстлоғи арчилган жийда каби оқ,
Осмон элагидан ёғилади қор.
Дарахтлар безанишми, атрофингга бок,
Энига оқ шойи ташлаб бегубор.

Оқ шойи ярқирар олмосга ўхшаб,
Зарми ё инжуми, кўзлар қамашар.
Сокин юракларда туйгулар кўзгаб,
Қалбларга бир олам завқ-шавқ улашар.

Мармар киш йўлларга тўшаб поёндоз.
Теграмни оппоқ зар-нурга ўрайди.
Деразамга бериб рассомдай пардоз.
Санъатига ўзи мамнун қарайди.

Совуқдан кўлларин «куф-куф»лаб бу дам,
Қор бўрон уйнашар ўғил-қизгача.
Тўп ясаб отаман қор олиб мен ҳам,
Қордай пок дилларда севинч ўзгача...

Чарх урар, чарх урар оппоқ қор,
Еру кўк нақадар бегубор,
Товланар ярқираб мисли зар
Зар сочиб киш бизга интизор.

Азизим бок сўлу-соғларга,
Оқ нурга бурканган тоғларга,
Киш ҳарир рўмолини ёйибди,
Мудраган кенг дала, болаларга.

Оқликни кўмсайди юрагим
Шу қордай пок аҳду тилагим,
Қани кел кўлингни бера қол,
Киш гаштин сурайлик малагим.

Дилда ғам, ташвишни поралаб,
Кезайлик оқ нурлар оралаб,
Киш гўё бошлардан бахт сочар,
Қор ёғар бўралаб, бўралаб...

БАҲОР ИСИ

Шаҳримизда қор ёғади аста, бир-бир тўшалиб,
Завқу шавқга тўлади дил онлар сайин яшариб,
Ёғавтир оқ орзулар, оқ туйгулар, оқ ҳислар.
Бўлмасин кезиб юрган тоқ йигитлар, тоқ қизлар.

Киш гўёки мунис она, оқлик сочар йўлларга,
Орзуларга орзу қўшар, қўлни қўшар қўлларга,
Мен ҳам уйга қайтаман оқ нурларга ўралаб,
Оппоқ қордан келар мудом баҳор иси таралиб.

Равшан ИСОҚОВ

КЎРГИЛИК

(Интермедия)

Қатнашувчилар: Мўминжон ака — ўрта ёшларда оддий кийинган, оила-парварлиги билиниб турувчи одам.

Қабирхўжа — ўттиз ёшларда, олифтароқ кийинган, ўзига ишонганроқ йигит.

Қўлига катта халтача кўтарган Мўминжон ака бекатда автобус кутиб турибди. Шу пайт бекатда шляпаси ғижилланган бир йигит — Қабирхўжа кириб келади ва Мўминжон акани кўрмасдан ҳаёл билан туртиброк ўтади.

МЎМИНЖОН АКА: — Ҳў, оғайни, кўз борми, ўзи?

(Йигит ўғирлиб қарайди.)

МЎМИНЖОН АКА: — И-е, Қабирхўжамисан?

ҚАБИРХЎЖА: — Э, Мўминжон ака, сизимингиз, кечирасиз, танимабман...
МЎМИНЖОН: — Э, кўрмайсизми, (қўлидаги юкка ишора қилиб) келин-инг билан бозорга тушувдиган, сабзи олди, пивё олди, туپ олди. Ўзи-ку, автобусга илашиб қолди-я, мен бўлсам бу юклар билан чиколмай қолдим-да... Энди нимасини айтасан, хотин киши бўлгандан кейин...

ҚАБИРХЎЖА (маъюс): — Э, Мўминжон ака, ҳеч нолиманг... Хотин кишининг галпига кирсам отимни бошқа кўяман, деганлардан биттаси мен эдим...

МЎМИНЖОН: — Ҳа, айтгандай, тинчиб кетдингизми? Келин билан сал ораларингдан ола мушук ўтбиди, деб эшитгандай бўлдим...

ҚАБИРХЎЖА: — Бировга айтманг, ака, айб ўзимда... Бир кун уйга қайроқ келиб жаж устидан... Аразлаб кетиб қолганига мана ролпа-росса йигирма кун бўлапти. Э, менинг бошимга тушган кунимни душманимнинг ҳам бошига солмасин...

МЎМИНЖОН: — А? Болаларни олиб кетганими?

ҚАБИРХЎЖА: — Ташлаб кетган-да... Энди дег — сизга ёлгон, менга чин ит азобини тортайман, ака... Биттасини мактабга, биттасини бочкага олиб бораман, ухлатаман, овқат қиламан...

МЎМИНЖОН: — А, жуда кийин бўпти-ку сенга... Бориб олиб келалолсанг бўлмайди...

ҚАБИРХЎЖА: — Борувдим, кўнмади... Яна боришга...

МЎМИНЖОН: — Роса чатоқ бўлибдию... Ўзинг ҳам Қабирхўжа эмас Ғажирхўжасан-да... Айтгандай, анув кун сени қуйиб қолди дейишди-я?

ҚАБИРХЎЖА: — Э, болаларга овқат пишираман деб қозонга ёғнинг ўрнига битта шишада керосин турган экан, билмасдан шуни қуйибориман... Қозон қизиб турган экан, лоп этиб юзимга урса бўладими?

МЎМИНЖОН: — Оббо фалокат-ей... Бир асрабди-да. (Унинг юзига синчиклаб қараб.) Ушанди ўт қош-киргирингин ҳам қайб ўтган экан-да, а?

ҚАБИРХЎЖА: — Йў, бу олдинроқ бўлган. Болаларга газ доловкасида картошка қабоб қилиб бермоқчи бўлиб, пишдимикан, деб калламини тикиб қарабман... Қошу киприк, сочларим «жи-з» этиб

қуйди-қолди. Жон аччиғида бошимни совутгининг муҳонасига тикаман, деб пешонамни ҳам қашқа қилиб олдим. Э, мен кўрган азобларни айтаверсам адо бўлмайди, Мўминжон ака!

МЎМИНЖОН: — Вой бечора-ей, картошка қабоб қиламан, деб ўзинг қабоб бўлишингга сал қолибди-да, а? Жуда қийналиб кетибсан-ку, укам? Қара, галстугингга ҳам бир нарсаси тегбиди...

ҚАБИРХЎЖА: — Анув кун болаларга мошхўрда пиширганимда қозонга тушиб қолувди, ювса кетар...

МЎМИНЖОН: — Ҳа, айтгандай, кир-пирингиз нима қилаёсан? Қийим-кечкаларинг бўлса олиб келиб бер, келин-ингнинг ювиб бера...

ҚАБИРХЎЖА: — Раҳмат ака. Кир-пирини ўзим амаллаб турибман. Яхши бўлармикин, деб анув кун ваннага қўлагим билан тушибман. Ҳам ўзим ювишаман, ҳам қўлагим тоза бўлади, деб ўйлабман. Яна, дазмонлаб ўтираманим деб қўлагимни эгизимдан чумай қўритаман, дебман. (Шамоллаб ётиб ҳам олдим.)

МЎМИНЖОН (Йигитга ҳадиксираброқ тикилиб): — Ростдан-а? Саломатлигинг тизуқми ўзи?

ҚАБИРХЎЖА: — Тузуқ... Докторлар миянг шамоллашига сал қопти, дейишди...
МЎМИНЖОН: — Ўзингни эҳтиёт қил, иним. Бардам бўл. Хотиндан ажралган битта сенми?... Ҳўп, мен бора... Хайр, укам...

(Мўминжон ака бир-икки қадам босмаган эди ҳамки, Қабирхўжа бақириб юборади.)

ҚАБИРХЎЖА: — Мўминжон ака, тўхтанг!

МЎМИНЖОН: — А?!

ҚАБИРХЎЖА: — Ҳу анув тутун бизнинг уй томондан чиқипти шекилли, а? Хозиргина шу ёққа ўт ўчириш машинаси ҳам ўтиб кетди... Эрталаб газга болаларнинг иштонини ёйиб қелувдим... Уйга ўт кетди шекилли, Мўминжон ака!

(Қабирхўжа диконлаганича шу ёққа қараб юғуради.)

МЎМИНЖОН (Кўкрагига туфлаб): — Ҳа, во-ей, юрагимни тушуриб қўяёзди-я, боласи тушмагур. Бечоранинг хотини кетиб ақлдан озаб деб қопти, яна бунинг устига уйи ҳам ёниб кетса-я... Кўргилик-да, кўргилик. Бизнинг хотинларнинг бошдан минг марта суя ўғириб ичсанг ҳам оз. Ҳа, юкларингдан аканг айлансин, хотин-жон! Битта халтача экан-ку, э вагонни юклаб қўйсанг ҳам гинг дега-номард!

(Мўминжон пилдираб автобусга қараб юғуради.)

Мухтор ХУДОЙҚУЛОВ

• ҲАМШАҲАРЛАРИМИЗ

Қалби қайноқ УСТОЗИМ

Буюк мутафаккир бобомиз Алишер Навоий айтганларидек:

Ҳақ йўлида ким сенга бир ҳарф ўқитмиш ранж ила,

Айламак осон эмас онинг ҳақин юз ганж ила.

Ушбу мисраларни ўқиганимизда кўз олдимизга бизни ўқитган, билим берган, ҳарф таъинган инсон, яъни устоз гавдаланади.

Шундай устозлардан бири Ўзбекистонда хизмат кўрсатган фан арбоби, профессор, адабиётшунос олим, филология фанлари доктори Собиржон ака Мирвалиевдир. Собиржон ака кўп йиллардан бери талабаларга ўзбек адабиёти фанидан билим бериб келаётган етук олим, жонқур ва заҳматқаш, фидойи устозлардан.

Инсон — ўқиган, билимдон бўлиши мумкин, лекин салоҳиятли олим бўлиш ҳаммага ҳам насиб этаквермайди. Домла салоҳиятли олим бўлиш даражасига албатта, ўз меҳнатлари, билимлари ва Оллоҳ берган иқтидор орқали эришганлар. Хозирги кунда олимнинг йигирмадан зиёдрок илмий китоблари нашр этилган. Жумладан, «Ўзбек романи», «Қалблардан қалбларга», «Роман ва замон», «Наср дээр ва ҳақромон», «Тарихийлик ва замонавийлик», «Ҳаёт ва кураш шеърлари», «Истеъдоднинг қўш қаноти» ва «Ўзбек адабиёти» китоблари. Шунингдек, маънавият ва маърифатга доир қўплаб мақолаларини ўқиб ўзимизга олам-олам маънавий озик оламиз.

Масалан, «Маънавият уфқлари» номли мақолаларида шундай фикрларни илгари сурадилар, «Маънавиятсиз шахс бўлмайди. Бироқ, у кимдасир сустроқ, ўртачароқ, кимдасир юксалроқ бўлиши мумкин. Унинг даражаси, аввало, у ёки бу шахсининг иймони, эътиқоди ва масъулиятлилигига боғлиқ. Негаки, кимда-ким иймонли, инсофли, диниётли ва қолаверса, маърифатли, маданиятли бўлса ундан ёмонлик чиқмайди».

Қўрт тараққиёти учун заҳматқаш, виждонли, етук ва баркамол шоғирд этиштириш осон эмас. Собир Мирвалиев қўплаб шундай инсонларни этиштирилди. Хозирги кунда бири фан номзоди, бири доцент, яна бири институт раҳбари лавозимига меҳнат қилмоқда.

Донишмандлар «Устоз отангдек улғ» деб бежиз айтишмаган. Биз ҳам устозимизни отамиздек улғулгаймиз, улғизнинг салоҳиятли олим, камтарин инсонийликларини, қаттиққўл ва талабчан мураббий бўлганлари учун қадрлаймиз.

Жонқур устоз, 70 ёшдан ошган бўлсаларда, ҳамон ёшларга илм-маърифат нурларини сочиб келмоқдалар. Биз фидойи устозимизга бахтимизга яна узок йиллар давомида Ватанимиз равақли учун қомил инсонлар этиштиришга тоғлай юринг, деб ният қиламан.

Назира ОДИЛОВА,

Абдулла Қодирий номли Тошкент Давлат маданият институтини ўқитувчиси, филология фанлари номзоди, доцент.

Назира ОДИЛОВА,

Лутфий номли 254-мактабнинг она тили ва адабиёт ўқитувчиси.

Спорт

Дастлабки натижалар

Жорий йилги мавсумга жиддий ҳозирлик кўраётган «Пахтакор» жамоаси футболчилари Бирлашган Араб Амирликларининг Шаржа шаҳрида ўқув-машгулот йиғинларида иштирок этишди.

Шуниси эътиборлики, мамлакатимиз чемпиони у ерда бир неча ўртоқлик учрашувлари ўтказди. Хусусан Донецкнинг «Шахтёр» жамоаси билан уюштирилган беллашууда майдонда 5-6 та етакчи футболчиларсиз ҳаракат қилган пахтакорчиларнинг ўйини мутахассисларда илҳам таассурот қолдирди. Мурсасиз ўтган ушбу бахсда дарвозабан 5 марта ишгол этилиб 3:2 ҳисобида украинликлар ғалаба қозонишган бўлсада, рақиблар дарвозасини тошкентликлардан Тимур Қопадзе ва Александр Крохмаллар аниқ нишонга ола билдишди. Дарвоқе, БААда машгулот ўтказайтган Виктор Борисов бошчилигидаги Ўзбекистон ёшлар терма жамоаси футболчилари «Пахтакор» билан уюштирилган учрашувни 2:1 ҳисобида ўз фойдаларига ҳал эта оlishди. Тошкентликлардан дарвозабан тўғрисида Владислав Кирия йўлади. БААнинг «Хатта-клуб» жамоаси билан ўтказилган мурсасиз беллашувдаги «Пахтакор» ўйинчилари ушбу қўқоқ билан ҳаракат қилишди ва мезбонларни 7:2 ҳисобида мағлубиятга учратишди.

Учинчи босқич яқунланди

Мақтаб ўқувчилари ўртасида ўтказилган «Ўмид нисоллари» спорт мусобақаларининг Бухоро вилоятида ўтказилган ўчинчи босқичида ёшлар спортининг 12 тури бўйича ғолиблик учун Ўзро кураш олиб боришди. Қувонарлиси, нафис спорт тури бўлиши бадийи гимнастика ҳамда баскетбол, волейбол, футбол мусобақалари ушбу вилоятда иқтидорли ёшлар кўп эканлигини яна бир қарра исботлади. Мусобақа якунида Бухоро шаҳри жамоасига биринчи ўрин насиб этган бўлса, гижду-воликлар иккинчи, шофиронликлар учинчи ўринни эгаллашди.

Бошланиши чакки эмас

Жаҳоннинг кучли теннисчилари ўртасида уюштирилган Австралия очик чемпионатида иштирок этаётган ҳамюртларимиз Вадим Куценко ҳамда Ирода Тўлагановлар дастлабки учрашувларини ғалаба билан бошлашди. Иваг Любичинга қарши қорға тўшиб ғалаба учун астойдил курашган Вадим Куценко беш сета натижаларига қўра рақибдан маҳоратлироқ эканлигини исбот қилди. Мурсасиз беллашууда 6/3, 6/4, 1/6, 4/6, 6/3 ҳисоби қайд этилиб Ўзбекистон вакили кейинги босқичда марокашлик Юнефел Айнауи билан куч синишиш имконини кўлга кiritди. Теннисимиз «малика»си Ирода Тўлагановага рақиб австралиялик Алисия Моликини енгиш қийинчи туғдирмади. Дастлабки сетни ўз фойдасига 3/6 ҳисобида ҳал этган Молик кейинги сетни 4/6 ҳисобида бой берди ҳамда учрашувни давом эттиришдан бош тортиди. Энди ҳамюртимиш АҚШлик Девенпортга қарши қорға тушади.

(Ўз мухбиримиз)

• ҲАМКОРЛИК

Республикамиз пойтахтида «Беғуборлик» болалар тарбиявий-психологик маркази иш бошлаганига кўп бўлгани йўқ. Бу орада унинг фаолият доираси кенгайиб кетди.

Марказда компьютер хонаси

Бунда қатор олий ўқув юрларнинг оталиқ ёрдами катта бўлмоқда. Тошкент Давлат педагогика университети-нинг дефектология кафедраси ҳам саъй-ҳаракат кўрсатиб, болалар ўртасида психологик-тарбиявий ишларни йўлга қўйиш тадбирларини кўрмоқда. Кафедрага қарашли ил-

мий лаборатория ходимлари марказда тез-тез бўлиб, амалий машғулотлар олиб бормоқдалар.

Бу ерда ногирон болаларнинг рассомчилик соҳасидаги ижодкорлик қобилиятини ўстиришга қаратилган машғулотлар ҳам уюштирилмоқда. Ўзбекистон Миллий универ-

ситети ёрдами билан компьютер саводхонлигини ошириш сабоқлари ўтказилмоқда. Олий ўқув юрти ташаббуси билан марказда компьютер хонаси очилди. Бунинг учун университет бир неча «ақлли» машина қурилмаларини тортиқ қилди.

Анвар ВАЛИЕВ

• ТАНЛОВЛАР

Набиралик меҳри билан

«Отахонлар ва онахонлар набиралар нигихида» деган мавзуда ўтказилган болалар чизган расмлар танлови бу қатор ижодкор ўғил-қизларни аниқлаш имконини берди. Пойтахтимизнинг Мирзо Улугбек тумани мактаблари ўқувчилари ва болалар боғчалари тарбияланувчиларидан 200 нафардан ортиги фаол иштирок этган бу ижодий беллашув йиғинларидан катта таассурот қолдирди.

Чиндан ҳам танловга тақдим қилинган расмларда набираларнинг бува ва буви-ларга бўлган чексиз-меҳри рангларда ўз ифодасини топди.

Маҳорат кўригида 50-мактабнинг истеъдодли ўқувчиси Альфия Гениатулина яратган расм юқори баҳоланди. Шу сабабли унга биринчи соврин эгаси деган ном берилди.

Тумандаги 383, 525, 547-болалар боғчалари тарбияланувчилари чизган расмлар учинчи даражали ўрин билан тақдирланди. Ғолибларга совғалар Ўзбекистон Халқ таълими вазирлиги, «ЭКОСАН» халқаро жамғармаси, Ўзбекистон Бадийи академияси ҳамда Ўзтелеерадио компанияси томонидан топширилди.

Акбар ЙЎЛДШЕВ

• БИЛАСИЗМИ?

Каратэ қачон пайдо бўлган?

Қадимшунослар маълумотларига кўра яккама-якка кураш жанги (Хитойда каратэ, кунфу дея номланган) бизда эрамининг I асрида пайдо бўлиб, VIII-IX асрлар орасида нихоятда тараққий этган экан.

Фикримизни исботлайдиган далиллар Андижон вилояти, Марҳамат туманидаги Лумбитепа харобаларидан топишган. Шу тепа ўрнида қаср бўлиб, қазимиша ишларида (қадимшунос Б.Абдулгезиева маълумотлари) одам ҳайкаллари, хум, кўза, деворий расмларда мудофаа учун яккама-якка кураш тасвирлари шу вилоятда каратэ санъати алаҳқачонлар бўлганлигидан ҳа-

қарли ўйин деб тушуниш мумкин. Бехуда фожиавий томонларга йўл қўйилмаган. Лумбитепа қасридан топишган турли хил тасвирлар, икки кишининг яккама-якка оёқ, қўл ҳаракати жанглари туркий халқларнинг спортдан мудофаа учун саралаб олинган каратэга жуда ўхшаш эканлигидан далилат беради.

Махмуд АХМЕДОВ, санъатшунос.



— Сизга ким керак?

— Ҳеч ким, мен лифта чикмоқчиман.

Абдурашад Ҳақимов чизган расм.

ТИЖОРАТ ХАБАРЛАРИ ВА ЭЪЛОНЛАР

ТОШКЕНТ ШАҲРИ АҲОЛИСИ ДИҚҚАТИГА!

«Тошкент шаҳар телефон тармоғи»нинг филиали бўлмиш «Ўзбектелеком» акционерлик компанияси пойтахт аҳолисини янги йил билан қутлайди ва Сизга қуйидаги манзилларга мурожаат қилган ҳолда телефонларни ўрнатиш имкониятидан фойдаланишингиз мумкинлигини билдиради:

— Юнусобод даҳаси, 2-мавзе, 39, 39-а, 40-уйлар.

— Нукус кўчаси, 1, 6, 17, 19, 21-уйлар.

Телефонларни ўрнатишни расмийлаштириш ишлари Марказий телефон узелининг қуйидаги манзил: Х. Асенов кўчаси, 2 (34-АТС)да жойлашган «Маркетинг» ва мижозлар билан ишлаш бўлимида амалга оширилади.

Телефоннинг сонли рақамини ўрнатиш билан бир вақтда СИЗ қуйидаги қўшимча хизмат турларини ҳам расмийлаштиришингиз мумкин: рақамни қисқартирилган ҳолда териш, банд бўлган абонентни чақиртиш, чиқувчи (ўзингиз алоқага чиқишингиз юзасидан) халқаро алоқани чеклаш, будилъник (маълум пайтда уйғотиш) ва бошқалар.

Маълумотлар учун телефонлар:

34-70-39, 34-24-25.

«Toshkent shahar telefon tarmog'i» маъмурияти.

Тошкент Давлат иккинчи тиббий институтининг ректорати жамоаси 2-Эпидемиология кафедраси доценти А. Юлдашевнинг волидаи муҳтарамаси

Марҳамат ая ЮЛДАШЕВНИНГ

вафот этганлиги муносабати билан оила аъзоларига чуқур таъзия изҳор этади.



Муассис:
Тошкент шаҳар ҳокимлиги

Бош муҳаррир
Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;

эълонлар:

133-28-95, 133-11-39;

факс: (3712) 133-29-09.

Ҳажми — 2 босма тибқ, офсет усулида босилади.

7587 нускада босилади. Қўғоз бичими А-3

Душанба, сешанба, чоршанба,
пайшанба ва жума
кунлари чиқади.
Напр кўрсаткичи — 563

Газета Ўзбекистон Давлат матбуот қўмитасида
10-рақами билан рўйхатга олинган

Нашрни етказиб бериш масалалари бўйича турар жойлардаги почта бўлимларига ёки «Тошкент почтати»га — 133-74-05 телефонига мурожаат қилишингиз мумкин.

Газета «Тошкент оқшоми»нинг компьютер марказида терилди ва саҳифаланди.

«Шарқ» нашриёт-матбос акционерлик компанияси босмахонаси.
Корхона манзили: «Буюк Тўро» кўчаси, 41-уй.